

Lontar druwe Geriya Ler Rurung
Riyang Gde.
Sane nuronin: Ida Bgs: Kade Rakta,
Sane mandungang: _____

KAKAWIN DHARMA SHUNIA KLING, GERIYA LER RURUNG RIYANG GDE. 1

- 1a 1 Om Awighnam astu nama sidham.
- 2 1. Ambek sang kawi sida suda kadi sagara gumawanga teka nirmala,
3 inyca nisapriya sari ning kalengengan yatika pasamudaya ning rasha,
4 tatwa jayana wkas nikang parama shastra sira ta pinaka di Pandhita,
5 saksat lingga nikang sarat pinaka dipa yasha nira uwus prabha sita.
- 6 2. Sang sampunia kretta tatwa mangkana wngang mijilakna kawetwa ning sabha,
7 saksat hyang Parameshti labda manugraha ri-sira rikang kasatwikan,
8 lawan hyukti nikang Saraswati wuwus ri-idhep ira wishosa tan kasah,
9 nahan etu nira prasida sawuwus nira ya ta manganan kawi-swara.
- 10 3. Ngwang pweki nghati muda tatwa waharep maniru-niru sang kawi-shwara,
11 ndan duran kawashania de ning rusit ing guru lagu yata ngandang aksara,
- 2a 1 tulya ning kukunang arep manadana Sashadhara mapadhang yato-pama,
2 wetnia tyanta winuda nika malana ta tumulada ri-sang wuwus mahan.
- 3 4. Tan de ning wijil ing biso-miket-iketena arepa makirtya ring sarat,
4 de ning arsha kdech awas ya cacaden magawe ya kata sangka ning guyu,
5 mwang bhakti-ng ku ri-pada ning guru nimita ning warah ira wredya ring ati,
6 ya de ning ati muda arsha mangitung mijilakna kawi wetwa ning sabha.
- 7 5. Sang sampun kretta tatwa ring sekala niskala sira ta wngang manghashraya,
8 kangken tirtta pawitra ngilanga shatru ring ati nira sang maharddhika,
9 Shiwa nakti magegwa ning kawijayan arepa lingga komala nityasha,
10 yeki yogya rengen su-shabda nira sang cumaritakna dharana niskala.
- 11 6. Remya ning masharira nitya ring jagat panemu nika bhoga sadhana ya,
2b 12 yan wruh ring mula sangka ning bhuwana kepwa papupula nikang jagat raya,
13 nitya cetana nirmalo-sana idhep panemu nira ri-sandi ning licin,
14 yeka janma phala su-punia manganan purusha yata wishosa mukya ya.
- 15 7. Sampun labda guru prabodha karegop satata lina umungguh ring ati,
16 raksania cupwana sari-sari ning omidhengakna ri-sandi ning tpet,
17 byakta waspa ilang nikang tiga rahashya ri-pameat ika ring niskala,
18 nora shabda nora idhep ndatan pahamengan prana wawu us amindha niskala.
- 19 8. Yeki mukya ning sandi sang manemu bhoga Parama-Shiwa tan patuduhan,
20 tunggal sang mangucap kalawan ika sang winuwus apan ika ya tan kalen,
21 nir pwekang pati lawan urip ya nguni-weh ala ayu suka dukka tan ana,
22 nir shandeya madeg makas manepek ing bhuwana sira wibhuh ya suksma ya.
- 23 1. Pangibek ira rikang rat kapratyaksa katuduhan,
24 panarira nira sukema ring ambek ya kangen-angen,
25 tmon ira ri-ilang ning bhayu shabda idhep ika,
- 3a 1 ya tan ana katuduhan de ning Weda Gama ika.
- 2 2. Ana ta lekasa purwa de sang Pandhita mawuhus,
3 ridhep nika arip nidra linatngetaken,
4 pameat ira ilang ning tan pakadi kangen-angen,
5 yatika ngupaya sandi sang wus ya labda wara ika.

- 3a 6 3. Ana ta wara asimpén tan madoh kahana nika,
 7 sdheng i-ngumulat ing rat lunga droshti manarawang,
 8 sahana-ana nikang lit geng mwang warana nika katon,
 9 syapa ta sira sang anon wangsulen yata regepen.
- 10 4. Katemu tanga-bhi sandi byakta was kahana nika,
 11 leyepakna rika ngke tonton tang nir awarana,
 3b 12 yatika sira sang anon sanghyang suksma panarira,
 13 apageh aleyepa ngke jati murtti ngaran ika.
- 14 1. Wanten parwata munggwing madhya mahi mandhala pamaku nikang jagat raya,
 15 sapta parwata sapta sagara kabeh ni-tala sahana ning jagat raya,
 16 brahmandha kesiti candra suryya ya taranggana sahana nikang swayambara,
 17 mwang Dewa-Rahi Surendra Yaksa Gana Bhutha sahana-ana mungguh eng sira.
- 18 2. Sadwa tri-phatayojana ruhur ika tutuga ri-sira sang sa-bhuwana,
 19 munggwing sornia mura ring madhya ya Janarddhana ri-ruhur ika hyang Ishwara,
 20 mwang Dewa-Rahi Dhatra Wishnu satata jaya-jaya saha mantra sastuti,
 21 nitya bhakti mayoga sandi masamadhi ri-karegepa ning hyang Ishwara.
- 22 3. Wwanten simparawan apurwaw manusup ri-tengah anemu sagra ning Gunung,
 23 riyagra tathaka nirmala sphatika tulya hening ika nir-antara prabha,
 4a 1 ring jro wwe mreta sara sang manemu labda parama rasha yoga pageha,
 2 labda ning pangangen-angen temah ilang parama suka ya tan pasenggahan.
- 3 4. Yeki mula ning janma tatwa tumurun magunala rupa Dewa manusha,
 4 ewang paksi wrege latha gulma kapijil-ika mula nika tan ana waneh,
 5 sang sangkan para ning pinet sang aharira tinaki-taki yan linaksanan,
 6 sang wruh ring paruput ri-sandi sola ning pati urip ika madhya ning tawang.
- 7 5. Endah tang tathaka ilinia mahaning jara tumedun ing sor nnirantara,
 8 lit ning nadi tinutnia-nut bayu laris maniram ika ghni mandhala,
 9 yoka karana bindhu wredhhi tumula ri-ati dadi wikalpa ning manah,
 10 sandhyo-paya pageh regap ilanghaken alahakna yata jayendriya.
- 4b 11 6. Sang Yogishwara nis prayojana uwus panemu nira ri-sandi ning pati,
 12 tan limbak laku tan ili tan iruhur iyawa ika ya tan patuduhan,
 13 kawat kawala sunia tan pangen-angen rasha-rasha ni-rasha rupe-ka tan ana,
 14 jati nitya pepeka wibhuh sahaning bhuwana ana ilang tan inaku.
- 15 1. Muwah ana upaya sang Wiku tmen,
 16 si-Panyca-maha-bhutha tan sinukeran,
 17 sakaptya nikanang winoh maha sika,
 18 si-menget apageh tatan siga-sigun.
- 19 2. Lumampaha kuneng malungguha taya,
 20 mucap tuwi lumakwa tan kawaranan,
 21 sabhawa parimana budi winangun,
 22 makas manla ring ala mwang ayu.
- 23 3. Uwas usada nitya simpen apageh,
 24 matinggalakita puja-rccana kabeh,
 25 tatan paphala yukti mukea ya suker,
 26 mwah matemahan prapanyca tan uwus.

- 5a 1 4. Mwah yata rengen lekas sanga ayu,
 2 ya sampuna nika wruh ong ala ayu,
 3 ri-pantara nikang rwa mungguha kita,
 4 mari mangen-angen ala mwang ayu.
- 5 6. Katemwa ta ya sandi lingku ikahen,
 6 sakaptya nikana dhateng asing atah,
 7 apan wus i Bhatara mandel i kita,
 8 wuang sakaharep ta saka ri nghel.
- 9 7. Su-budi gawoyen yata lekas ana,
 10 su-dharma kretta shila santa pagehen,
 11 su-satya pangiket manah ta na pageh,
 12 tpot dunung-aken ri-sang sinamaya.
- 13 8. Uwas mara weruh ri-sang sinamaya,
 14 syuhen sahana ning katon saka renga,
 15 sudira juga shakti monget apageh,
 16 pra labda ring atinta moksa ta na bhoh.
- 17 1. Ambek sang Wiku sida tan pahingan tumutuga ri-kamurtti ning taya,
 18 tan linggar umeng licin mampek ing bhuwana sahana ning jagat raya,
 5b 19 nora lor kkidul ing kilya atasana sira juga pamekas nir-ashraya,
 20 kawat kewala sunia nirbbhana lengeng luput inangen-angen winarnaha.
- 21 2. Xeki jati uwus pra labda taya rok sahana-ana nikang sinangshaya,
 22 tan rakwa gagane ri-nguni-nguni tinutur rinasha pinet nika sang nir-ashraya,
 23 mari siaya guru tutur idhep ilang Parama-Shiwa uwus amincha ya.
- 24 3. Meweh to-laha ning bayu mamaribhawa manaput ing ati nir-antara,
 25 yan tan wruh rumgep ring kunyici patitis ri-kahingan ing patya ning tiga,
 26 midher ngwang kadi cakra ning sakatha nitya walya tan patemahan,
 27 mati janna katut tibeng kawuh a lo ptenga sinaput ing malendriya.
- 28 4. Wanten Sadaka yoga sandi winuwus ri-kahilangan ika dasendriya,
 29 ri-mulasmuna bayu cakra ineneb teleng ikang simpen ing idhep,
- 6a 1 onak pwa ri-heningnia tan pamishaye ring tedhuan ira sang dashendriya,
 2 turang rashai nikang prabha swara mijil ri-ati mamnuh ing sa-bhuwana.
- 3 5. Doh ing Candra kalor lepas ri-pangungang nira na ruhur i tan ka-ungkulan,
 4 lwa ning wengku nikang jagat ya ta na lo gung ira juga ya tan pahingan,
 5 akasha taya sukma dadya maganalit ira shuga ya tan patuduhan,
 6 doh ning doh mapere tatan pabelotan ana ri-ngangen-angen su-sukma ya.
- 7 6. Nora netra na karana tan ana irung tutuka sharira tan ana sira,
 8 ndan wruh ring rasha ganda shabda mangucap rupa ning rupa kabeh ya tan kari,
 9 pan nguni nala wreti sira sari ning bhuwana ala ayu yan tan waneh,
 10 su-ning pangangen-angen ring pagawe nira tan ana kurang su-purana ya.
- 6b 11 1. Papa ning susu lan minyak kadi taya-pwi lan tahen,
 12 pasang yuga ni ganda lan sekar arok angin lan tawang,
 13 pamindha lenga lan wijen lwir api lan panas tan katon,
 14 samangkana Bhatara sukma ri-atin ta tan pantara.

- 6b 15 2. Mucap taya tumut ya ring shabda manon amor ing mata,
 16 ungas ta ya lulut ring gandha mangan milu mangrasha,
 17 midhep sama tumut ring citta matutur sama tan kari,
 18 manuksma sira pan ngamboka sharira panycendriya.
- 19 3. Ya don wuliken paket pajahitan taya lan idhep,
 20 hening knika nitya-nitya patitis-ang patya manah,
 21 tatan madoh amet wkas kahana ning kamokean paden,
 22 ryatin ta wuliken pehen Shiwa Bhatara tan waneh.
- 23 4. Tatan ana ring purwa dhakeina pashcima uttara,
 24 ring madhya ta ring sor ri-ngagra ri-tugen ri-punhur ryarep,
 25 madoh mwahg aparek malit mageng ngelewan ala mwang ayu,
- 7a 1 idhep ta panekas panangkana kabeh pwa ya tan madoh.
- 2 5. Wikalpa magawe ala ayu malit mageng lan isor,
 3 anuduh i-ruhur i-madhyā ngucap-aken lor khidul,
 4 sakaptya ning idhep mahas tinut-akon tan sangehaya,
 5 ya etu nira yan sasar kaptengan ring ati uta.
- 6 6. Nahan sakala murti jati pangawak Bhatara Shiwa,
 7 deleng ta ring arep singet ing manah panon dhyantara,
 8 ring tutungi wulat regep awason pamatyan kana,
 9 nir-awarana murti jati su-mneng wibhu tang sarat.
- 10 7. Nahan tingkah urutan pituhunen regep ring ati,
 11 swabhawa mahning su-nirmala sa santa ya-ngken tinut,
 12 ya tan ana ma lon wkas panariran Bhatara-ngkana,
 13 pa na ngka para ning pamindha pangilang rajah mwang tamah.
- 14 8. Mekunyci ri-idhep tpet pakokean ta ring jro ati,
 7b 15 dwen ta mukya tan pamajanan lana tan ilang,
 16 tanu pwa ya tatan gseng lwang ana tan kurang tan lelih,
 17 gurit ri-ati tan lebur saparanan ta tatan kari.
- 18 9. Pangundha nira sang maha purusha tan madoh ya ri-awak,
 19 mayoga umneng mabo tan amawak sira-neng ati,
 20 anungkula nga-bhaw na suka anukti ring pantara,
 21 jnek madusha tirtta sunia mapawitra ring nistala.
- 22 1. Ana ta Ukir asinpar geng paran sang watirtta,
 23 kahana nira ana ngke tan madoh ring sharira,
 24 yata kahana nira hyang Panyca-shaktya dhi murti,
 25 ri-sikara nika-ngadri hyang Shiwa wus pralabda.
- 26 2. Ana skar apurwa umunggu ring padha parshwa,
 27 mekar amirah aronia sashri pindha madhu phat,
 28 ring tengah a ning lawa ghni lwir nikang dhipa muntab,
 29 panarira nira sanghyang Brahma munggwing ana ngka.
- 30 3. I-ruhur ika urub ning pawaka mawya gumrang,
 31 ana kamala ya shobha lwir nnika warana-warana,
- 8a 1 mekar alawu nenem ring madhya baywa ti-durama,
 2 ri-tengah a ni lawa ghni teja ma tyan ta lumrang.

- 8a 3 4. Ana ta sekar umungwing ryagra ning aghni ma-bhra,
 4 lwir aruna udaya bang lwir nnika padma sashri,
 5 mekar a dasa lawania madhya suryya ti teja,
 6 mider akuliling i jro pan sira Wisnu-murti.
- 7 5. Ri-pamkar ira sanghyang Suryya matyan ta teja,
 8 ana kamala ti sashri munggu ring meru madhya,
 9 dwa dasa jwa lawania lwir nnikang teja bang,
 10 sphatika wimala munycar shakti Rudra-murti.
- 11 6. Ajajar alepa turnia munggu ring sagra-sagra,
 12 ana kamala ti mukya shweta warnania ma-bhra,
 13 dwa dasa lawania ring tengah Candra purnna,
 14 sana nira ngadi sanghyang Ishwara yan malungguh.
- 15 7. Ri-layat ing adi sanghyang Ishwara rya-ng shra mowach,
 16 maha parama su-padma mungguh ring meru grani
 17 mekar a tlu lawania ri-tengah ratna joti,
 18 yata kahana nira hyang Shakti mungwing ana-ngka.
- 19 8. Ri-pamucak ira sanghyang Meru mantyan ta mukya,
 20 parama subha-subha dra toya nirmala tirta,
 21 ri-teleng amretta mahwa pangkaja shweta warna,
 22 mekar a-muhi tirta sewu lawania sashri.
- 8b 23 1. Wwanton mungguh ing madhya nikamala tulya ima jala ri-tutunging trena,
 24 imper Suryya katon prabhanja sumna dumilah amuhi tri mandhala,
 25 ri-madhy nika sunia nirbbhana lengeng pangawak ira manon ndatan katon,
 26 nitya cetana suda jagra mapadang pangawak ira Bhatara yang Shiwa.
- 27 2. Rep lunga tilka sang manon mari mawak pamekas ing angucap a ngashrayan,
 28 tan warna winuwus putus ni pangidhep tan ana cinaritan linaksanan,
 29 tan manon ta ya sunia nirbbhana ya tan Shiwa Parama-Shiwa ya tan ana,
 30 maring sandhi pasandhi tan karaketan luput inangen-angen nyamu mngong.
- 9a 1 3. Ndan wus mangkana wruh irika muwah ana twi winuwus tata kramma,
 2 mijil sangka ri-tan ana wah apadhang pangawak ira Bhatara hyang Shiwa,
 3 malwa wanga suwung mawas ta yama dreshti ta pa kangen-angen samangkana,
 4 nitya cetana nirbbhana ta ya lenga pangawak ira manon ndatan katon.
- 5 4. Mwang sangke rika sang manon wawu mijil kadi ta hebun ing gra ning kusha,
 6 ma-prabha kadi Suryya tulya mapadhang sira maka urip ing sarat kabeh,
 7 atma pwa ya sira-n prakasha ya matangnia mijil-akma shabda lan idhep,
 8 sakong shabda mijil kta pranawa Ongkara mangulahaken sarat kabeh.
- 9 5. Tunggal panariran tri bheda ya gunania ngulahaknikang saniskara,
 10 yoka-n Tri-purusha ngarania sang akaryya sahana-ana ning sa-bhuwana,
 11 wruh ring mula wasana lan ala ayu maka nguni-nguni Gema sastrika,
 9b 12 apen sang parama di murti pangawak byapara ira rikang tri bhuwana.
- 13 6. Ndan tekang saka ring bhayu mijil apwi jwalita ngulahaken panas ta ya,
 14 mwang sangke rikanang apwi mijil-aken wwe ya meles aresep sanisareti,
 15 yoka sangka nikang mahitala lawan bhuwana sahana ning jagat raya,
 16 sangke bhumi mijil mwang ana mrega paksi taru latha ya gulma len trena.

- 9b 17 7. Anging teld jagat wkas ning aganal pangawak ira Bhatara hyang Shiwa,
 18 mwang katon karonga kaparsha kahucap karasha kangen-angen tatan waneh,
 19 mulania-n ulangunia pteng sinaput ing mala wisaya lawan rajah tamah,
 20 de ning maya Bhatara Sukoma magawe bhuwana masarungan sire rika.
- 21 8. Atma tulya nikang manik sphaltika nirmala nir-awarana macetana,
 22 nda shaktinia juge-ka wredi maganal yatika matemahan manah bhawa,
 10a 1 mwang manah pwa ya wredhdi budi temahania mangel-angen ikang saniskara,
 2 mwang sakeng rikang buddhi wredhdi umijil temahan ika mangdadya angkara.
- 3 9. A-angkara mawe prakasha ya matangnia mijil-aken ikang limendriya,
 4 mwang panycendriya sha wredhdi nitya mishaye yatika matemahan dashendriya,
 5 mwang dashendriya lan jagat pwa mapupul wisaya matemahan rajah tamah,
 6 mwang tamah yata wredhdi tan pabalikan yatika matemahan walwi-walwi.
- 7 1. Ndan nguni-n purwwaka ning wishaya wetu nikang panyca tan matra wimba,
 8 etunia wredhdi wredhdi yatika matemahan panyca olaka margga,
 9 margga ning mangrenga lan umulat a nguni-we mangrasa lan ma-dreshti,
 10 treshna pwe-kang dadi mara kta kna nikang atma mulania papa.
- 11 2. Wruh pwe-kang sang maham wasana nika nguni-n papa lan pupunia,
 10b 12 ya doning sandi upaya ringegop ira ring kunyici rahashya yogga,
 13 nishcitta nishraya nirmala juga ta sira cotana tan pagegwan,
 14 ndan twa pangindriya tan sinuker ira mahor mwang jagat tushta citta.
- 15 3. Apan yan tan wijil ning bhuwana ana nikang papa lawan su-punia,
 16 yan wruh ring mula tatwania mijil-aken ikang mwang sarat sarwa janma,
 17 yuktinia bhukti ning indriya suka wishaya ring jagat tushta citta,
 18 mudha bra tan pagegwan yatika dadi manut indriya papa karma.
- 19 4. Tan siddha Wikwa yan tan wruh ing kahana nikang sarat lan sharira,
 20 tatwania shari-sharinia ri-yawa ri-dhalem ring awak yeka tonton,
 21 apen tan bheddha ring sarwa bhuwana ana ring angga sarwa sastra siddhi,
 22 na etunian sara ring sharira juga pineh sida ning moksa margga.
- 11a 1 5. Sang siddha labda yogi ati nira mapadhang tulya Candra wa purana,
 2 ring wahya dyatmika tan katuna nira rikang sarwa shastra-jnya shabda,
 3 tan limbak tan laku nirwishaya juga sira-n kewala jnyana suddha,
 4 lila-lilan panonton ulat ira wkas ing sandi ngacintya labda.
- 5 1. Lwir nnika sang uwus nipuna labda citta sira teki yogya pituhun,
 6 yeka tirun sapaksa nira yukti bandha mateguh rikang angen-angen,
 7 bhawi ta yogya gocara ya pepengen ri-ati nitya nirmala maho,
 8 mula tutur-tutur temah ikang nir-awarana tan knong nanga-nanga.
- 9 2. Jati nikang wang utama sabhawa laksana ginugwa tan siga-sigun,
 10 tan maka donan ing wishaya-ngindriya ngulahaken japa brata tapa,
 11 jnyana wishesa bawi-kang abhawa ri-sira-n yata sana nira,
 11b 12 gugwa ginugwa ning ya magegen ginugwani nikang wkas mangel-angen.
- 13 1. Ana warah ira sang purusha lekas ana,
 14 sarana ning munah ati maring wishaya,
 15 yatika pahawasen lekas ana satata,
 16 phala nika mahning ta ya sinari-shari.

- 11b 17 2. Mashila wahu mneng kadi Giri mapageh,
 18 lumihat ing hreddhaya ya grana sika regepen,
 19 malila wahu midheng uwus ika mapageh,
 20 yata sarana ning sang purusha lumekasa.
- 21 3. Uwus ika mapageh ri-ati sari-sari,
 22 ulat ana ring ulat tan ana kangen-angen,
 23 hneng-akna ri-sandi nika pahawasen,
 24 leyep-akna ikang ati yata sakareng.
- 25 4. Ri-mula hreddhaya padma ri-tengah ulati,
 26 ana metu kadi ta sphatika manik hening,
 27 teleng ika ya gegan patitisa ring dhalem,
 28 pagehakna ri-citta bhuwana pahilang.
- 29 5. Matutup ana makunyci ring dhalem adeleng,
- 12a 1 masikepa ring manah ayu ta ya regepen,
 2 ana ta ya muni ngurdha lenga karenga,
 3 dulur ana ring leyep thalina tngget-aken.
- 4 6. Ulat ana ri-arep slani ngawang-awang,
 5 ana kadi shara wijaya maya sumirir,
 6 wyawas ika regepen patitisa ri-dhalem,
 7 hneng-akna ri-madhyaya nayana calita.
- 8 7. Uwus ika mapageh manah ika maradin,
 9 wekas ana ri-panadi nika pahawasen,
 10 ana ta rupa manuksma murub ika malit,
 11 wekasan ika lumeng kadi damar apadhang.
- 12 8. Delong ika pahawas temahan ika ilang,
 13 ana metu kadi purnnama Wulan awelu,
 14 su-mna anuluh ing bhuwana kapnuhan,
 15 pagehakna ri-madhyaya Shashi wahu midheng.
- 16 9. Telas ika magogen ring Shashih mawa hening,
 17 metu ta ya kadi Suryya mawlar apadhang,
 18 teleng ika mahireng hening anila-nila,
 19 temahan ika ilang ta ya nir-awarana.
- 12b 20 10. Idhep ika regepen wekas ing angen-angen,
 21 pasahakna ring angga bhuwana ilanga,
 22 telasakna ri-sandi idhepa umneng,
 23 mari mangangen-angen pra-arana kalika.
- 24 11. Nahan ika widi sang purusha ya pahayun,
 25 sari-sari ri-idhep ulat ana satata,
 26 parahu pama shucya ring ati magleh,
 27 Parama-Shiwwa su-tirtta ta ya ngaran ika.
- 28 1. Nihan krama ni yogga sang Sadaka wishesa yogya ta rengen,
 29 phalanika kita tan kneng lara wikalpa kalusha,
 30 lawan ika muktya mangguha ayun ta dirgga madateng,
 31 ya donia-n usiren prayatna ring atin ta nitya mapageh.

- 12b 32 2. Anila maka pasha banda mateguh ring angga pangapus,
33 ri-tan ika purana ring sharira atma pashti ta jnek,
34 mwah masung alara wreda marana-n taya waneh,
35 ring bhayu mula sangka ning ala ajeng yata tngget-aken.
- 36 3. Ri-mula nikang Meru sandi tang i-sor tutupa mateguh,
13a 1 ara apana bhayu wreka mapupul tleng pahawasen,
2 tlas pwa mahning manunggala ri-mula bhayu mapageh,
3 tutupa titisen henunia mara ring kundha laya dhana.
- 4 4. Telas pwa katekan ring madhya ning apwi mayogga umneng,
5 laris akna-ng atma nguswasha maring Diwangkara mawor,
6 ri-madhy nika kumbaka mashariran-ta Suryya mapadhang,
7 telas pwa ri-heningnia jagra lumarismaring bredaya di.
- 8 5. Samangkana mabandha bheda dumela ri-mudra ning ati,
9 pralina ri-idhep ta ngarccana mangeka paksa sakareng,
10 uwus katemu yogga labda rasha ning swa-nanda ring ati,
11 leyepakna mangidhep sika mare Meru Candra ashana.
- 12 6. Uwus pwa tka ring sika-gra umneng mayogga mahning,
13 kukup sahana ning bhayu tka-ng apwi Diwangkara pisan,
14 pupulakna ring idhep patitisen panukama sakareng,
13b 15 telas pwa ya mangeka bhawa wekas ana nandha masuka.
- 16 7. Ayo mangan-angen ri-ngasana ring yogga sadaka muwah,
17 idhep ta juga pepengen ri-ilangi pra-panyca wishaya,
18 uwus pwa ya maren pteng metu padang lenga winulatan,
19 malwi ta kita murti jati wekas ing mayogga malilang.
- 20 8. Nahan krama ni sang Maha-Sadaka mamet ri-sang sinamaya,
21 ring angga winulik pinoh ri-ilangi si-panyca-wishaya,
22 apan pasiluman Bhataras ya si-panyca-bhutha tan kalen,
23 lana pinaka shatru sang purusha yan mamet kalpasen.
- 24 9. Ya don ika pinet ring sang purusha yan upaya pahilang,
25 mayogga umneng mabot ana sinimpen i ati lengit,
26 uwus pwa mapisan manut saka-arep ta tan pawishaya,
27 midhep ilang-aken binashmi ring idhep ta tan panisaya.
- 28 1. Ri-telas ika wruh ing guna sahanan,
14a 1 tulus-akna de matutur ri-sanghyang,
2 manuja malilang ring ati sanitya,
3 teguh a ning a-jayana guru sada bakti.
- 4 2. Ana warah sang purusha ginuhya,
5 inget-akna-n ta ring ati satashta,
6 krama nira sang wruh ri-pada nira hyang,
7 matutur i sandi samaya sa sukama.
- 8 3. Sdheng ira malungguh tan ana cinitta,
9 mtu ta na sangkan ati manikalpa,
10 dadi yata wredhi angibek i ri-rat,
11 sahana-ana ning tri bhuwana cakra.

- 14a 12 4. Ri-telas ika mangkana mahyuni,
13 wakan anukema ring sakahanania ,
14 dadi ta mapadang malila mawa hyang,
15 umneng ana nda prama suka shri.
- 16 5. Ingetakna nde ri-kahilangania,
17 ri-kawijilani-ye nguni manikalpa,
18 syapa ta sira sang wruha ta samangka,
19 yatika wilen satata juga hening.
- 20 6. Sdheng amicara shruti bhayu shastra,
21 ndi ta kahanania mijila tang mawacyan,
14b 22 mari ta mawacyan ndi para nika mishra,
23 yatika ulik ring ati ya thanitwa.
- 24 7. Sdheng ing umulat para ning ngadreshti,
25 sahana-ana ring bhwana katonton,
26 mari ta ya mawa makata maloka,
27 mnonga muwah ndi para nika muksa.
- 28 8. Mapa ta arania ri-sdheng ikang wwang,
29 manemu suka-n tyanta kita satusta,
30 ri-tka nika dukha mapa parania,
31 henekneken ring ati yata nitya.
- 32 9. Sdheng ing adreshti mulat ikang rat,
33 sahana nikang warna ta ya kawastwan,
34 syapa ta manon ndya lwir ira aneng rat,
35 yatika ulik ring ati kahanania.
- 36 10. Ana ta sira sang rumupaka-ng arcca,
37 mahalepa rupa Ari ara Rudra,
38 yatika sinembah pinuja nikang rat,
39 ndya-wak ira sang murwaka rika ya nguni.
- 40 11. Ana ta malungguh ring ashana tan sah,
41 midher umareng sarwa bhwana siddhi,
42 rashatala lawan Shiwa-pada sunia,
43 tinapak ira saksana tka ri-nggwan.
- 15a 1 12. Mapa pinaka lwir mnira sang anonton,
2 bhwana kabeh wruh sira juga tan sah,
3 ndi ta pinako-nggwan ira rikang angga,
4 yatika wekas ning tri-bhwana tatwa.
- 5 13. Sang capa lawas ning lumekasa Wikwa,
6 turung anemu ring prama di tatwa,
7 mider umahas ring Giri-wana manrih,
8 matapa mamot sangkaning anemu hyang.
- 9 14. Syapa ta sira sang lumekasa sadya,
10 kalawan ika sang pinarani-ngashra,
11 Prama-Shiwa mwan Sada-Shiwa Rudra,
12 ndi ta kahanania-ng Ari ara Sambu.

- 15a 13 15. Ri-jaya nira sang Maha-shura mari,
 14 Ukir anusupa hyang atapa mamrih,
 15 anuduh ing ring Dewata pada sanghyang,
 16 ri-ana nirong twas tuwi ta ya ring wruh.
- 17 16. Pramma-Shiwa yan tlas ing acintya,
 18 Sada-Shiwa hening matutura langgeng,
 19 Pashupati mawa shara sira ring rat,
 20 mateguh aning dharma Ari ngarania.
- 21 17. Sdheng amuwus ring shruti bhayu shastra,
 22 yatika ngaran Brahma skala widhya,
 15b 23 ana ta Shura mwan Reshi-Gana Dewa,
 24 yatinget-inget ring prakreti nira liyan.
- 25 1. Om sanghyang sakala-tmaka di ning acintya, Pramma-Shiwa tan patuduhan,
 26 tan liyan astuti ningulun satata bakti ri-pada nira nitya lembana,
 27 sang saksat pinake-si ning manah ho sira ta panapu ri rajah tamah,
 28 sang mawak ring tutur kku mangdunung-aken ri-padha nira ring sang saniskala.
- 29 2. Wahya dyatmika shunia sang manla ring ala ayu maka sari ning tawang,
 30 sang mawak magawe jagat ring bhwana sang apageha tatan sinangshaya,
 31 sang labda suka nitya tan pabalikan sang aniluman anon ndatan tinon,
 32 sang nitya mangucap ndatan kahuningan sang asharira ring atma tan pawor.
- 33 3. Sang wit ning prama di shastra sang akaryya ala ayu ya tan karaktan,
 34 sang twas ning taya shunia sang pamekas ing bhwana sakala ni jagat raya,
 16a 1 sang sangkan para ning urip sang asharira sang anla ri-madhyang ning idhep,
 2 sang suksma wekas ing pinet sira-ng acintya sang angilang-aken dashendriya.
- 3 4. Sembah ni-nghulun ugra bhakti ri-lebu ni jong ira satata namaskreti,
 4 bhakti-ngku mapageh ndatan pabalikan ri-ati kita juge sada stiti,
 5 sa-jagra ni mauleng leyep ni patura ri-pada nira juge-ka muksa ya,
 6 sampun pralapita nghulun ri-sdheng i matemu ring sira sang inastuti sinamaya.
- 7 5. Nitya ngwang mamuji ri-pada nira sang shuci pinaka patirtta ning sarat,
 8 bhakti-ng ku-n phala ni maweh waraha nugraha ring pada nira-n pangastuti,
 9 pushpanyjali-ng idhep ku nirmala sada skara mawangi nitysha nedeng,
 10 lawan mantra wisheha lingga mangadeg manngah ana ri-sandi ning tutur.
- 11 1. Wahan iki wara ngkwa tingkah ning mala wishaya,
 16b 12 upala bi nikang atma tulya hyang Rawi su-mneng,
 13 mala wishaya atur nni megha kandhela nawangi,
 14 pteng ika ulatania de ning wisareti satata.
- 15 2. Sira tan-ilu tan-imba tan-sah ri-kahana nira,
 16 prabha nira juga lumra ring sarwa menuhi jagat,
 17 atisaya juga doh ning Surya mwan jalada ing sor,
 18 kapana letuha sanghyang Suryya pan wimala sada.
- 19 3. Yata pada nira sanghyang atma ndi kataweng ana,
 20 kadi pteng sira rem de ni maya anahabhi,
 21 niyata sira tan owah jati tatwa su-wimala,
 22 nimita mala ya sumaput rep les manuhara padang.

- 16b 23 4. Kadi Shashadhara wimba ri-dyun mesi jala succi,
 24 sahana-ana nikang dyun byakta teka kinahanan,
 25 winulata na winawas tunggal ri-gata sawiji,
 26 dinoleng i ri-ruhur anghi tunggal hyang Shashi su-mna.
- 27 5. Yata pada nira sanghyang suksma yan mamenuhi rat,
 28 sahana ala ayu mwan lit geng sarwa kahibekan,
 17a 1 taha ta sira tan akweh mawak tunggal amupusi,
 2 wyapara nira ya lumra ring sarwa-angga sira wibhuh.
- 3 6. Usulata kita ring wwe tonton tang muka sadrasa,
 4 panikopakma kadga prang ring jro jala mahning,
 5 pa dasa nika pa tusen nishceda juga sira,
 6 jalada lit anadi rryak de ni kadga gada cakrala.
- 7 7. Yata pada nira sanghyang suksma angga masiluman,
 8 tinunu pinaribhawa pinrang tan malara sira,
 9 pina ayu pina munggwong nas wastra-rjja pina suka,
 10 ri-tanu juga mamangguh dukha mwan suka wishaya.
- 11 8. Kapasa mijil-aken tan tundan wastra tmah ika,
 12 pala ni wida nika warna de ning wwan taya ginawe,
 13 inaran ika wijinia rupanian pinuji-puji,
 14 mula nika tayaning wruh de ning wisala sumaput.
- 17b 15 9. Yata padha nira sanghyang dharma dreshti sira kabeh,
 16 ana Reshi Sura Yaksa mwan bhutha wi-yagra,
 17 ika pinuji ikang rat salwir nning dadi sakaton,
 18 ring sira taya nikang wruh apan suksma manalimur.
- 19 10. Nahan iki dreshananta aghni munggwong kayu aking,
 20 dinela ika winawas tan katon kahana nira,
 21 upaya nika ya peten byakta ngasta mijila-aken,
 22 yata pada nira sanghyang jnyana ya sinari-sari.
- 23 11. Maka dreshana nikang wwan andha yeka dadi pitik,
 24 ibu nika ya ta mrem nitya dyana sari-sari,
 25 ri-telas ika magugwan ri-shanania sada gati,
 26 maka atisaya shaktia de rupa lwir ikang ibu.
- 27 12. Yatika pada nira sang yogi yan ameng amleng,
 28 inawengi mana jagra dyayi ring prama-pada,
 29 ri-telas ika marok tang atma mwan Prama-Shiwa,
 30 mari mangen-angen i rat pan wus labda mamupusi.
- 18a 1 1. Mata patepi ning ati, maka Gunung tikang awak,
 2 mababad kita tang mala, maka dukuh su-budin ta.
- 3 2. Mka dngen ta-ngen-angen, maka-pwi ta ta jnyana,
 4 maka samiddha tang samah, maka kukus manah pagoh.
- 5 3. Maka sanggar sanghyang atma, maka sakan ta tang urip,
 6 maka-pus-apus tang bayu, maka galar sadhu shakti.
- 7 4. Maka saniga tang kawruh, masekar hredaya mekar,
 8 mabanyu tirtta nirmala, memuja tlong ning ati.

- 18a 9 5. Maka sapun ta tang tutur, maka bawan ta tang santa,
10 maka tken ta tang dharmga, maka wastran ta tang sadu.
- 11 6. Maka dharmmen to-jar ttuhu, maka dreyan ta tang taya,
12 pakekesan ta ring idhep, makunysi teguh ing ati.
- 13 7. Rahina wengi majagra, lana tutur ppina ayu,
14 aywa durjjana ma-ingsha, yateka tapa ngarania.
- 15 8. Tan de ning mara ring Gunung, manla moksa tan padon,
18b 16 tan de ning umangan gangan, tan siddha pwa yan tan tpet.
- 17 9. Tan madoh kadang sang Wiku, ring ambek juga tan kalen,
18 satya pinaka Renan ta, angken pitan ta tang jnyana.
- 19 10. Caruma pinaka grajan ta, kretta pinaka arin ta,
20 mwang santa pinake strin ta, kosama pinaka putran ta.
- 21 11. Ambek ta pinaka kadang, angkara pinaka shatru,
22 usaha maka dreyan ta, lemah pinaka duhan ta.
- 23 12. Gleng pinaka papan ta, nirmala pinaka swargga,
24 tamah pinaka laran ta, mwah rajah ta walwi-walwi.
- 25 13. Satwika maka marggan ta, cetana pinaka dilah,
26 nirbbhana maka grahan ta, turya-pade-ka paturwan.
- 27 14. Ana ta lokas sang Wiku, sanitya inget-inget,
28 rikala malungguh kunang, yatika cinari-sari.
- 29 15. Angucap-ucapen, angrungu-rungumen,
30 angungas ungas-ungasen, umulat-ulat-ulaten.
- 19a 1 16. Idhep i-ngidhep-idhepon, heneng honing henong aken,
2 plengen pleng-plengen, leyep ning leyep leshwaken.
- 3 17. Manukama sang sida yogi, ring ambek juga tan kalen,
4 maminda ring ati longit, mamet putusa ning idhep.
- 5 18. Ana ta warah ginuhya, mawor ing sarwa tan pawor,
6 manyjing ring lit kaleganan, winulatan mangulati.
- 7 19. Geng ira ngibeki ri-rat, lit ira longit ing alit,
8 rinasha milu mangrasha, rinegop luput ya pinet.
- 9 20. Mapa ta daya sang Yogi, manemu wastu tan katon,
10 amanggih wastu tan pinet, yatika henek-noken.
- 11 21. Nihan upaya sang Yogi, pininda ri-pahethetan,
12 ri-sandi menget mwang lupa, yateka ginugwa nira.
- 13 22. Kadi menget ndatan ana, kadi lupa ndatan ilang,
14 manemu tan wruh yan prapti, yatika jati yan mawor.
- 19b 15 1. Atyan ta panubhoga labda nira sang Wiku ya-nemu sandi ning tpet,
16 rep manggeh umneng shwayawa umadeng tan ana kangen-angenira shraya,
17 anghing jati wichesta tan pakatanan ana nira ring aneka tan katon,
18 apan sang kretta labda karyya pinaka di-ka nira tang acintya niskala.

- 19b 19 2. Tan sida Wiku yan turung manganemu bhogga Prama-Shiwa labda ring ati,
20 tar ssampun tkap ing sumanya ka ngucap lumicinakena-waknia tan tatas,
21 tulya ning manuhun ghatha dadi ya tan wruha rasha nika mogha nisphala,
22 tan sida juga yan turung pinaka drowya ring sakala urip kapanggiha.
- 23 3. Wwanten darppana jati nirmala wishesa ri-arep ira nityasha padang,
24 yekonggowanan ing sang maha-purusha mangening-akna manah nirantara,
25 enak pwa ring nukema mishra ri-dhalem nir-awarana maho nirantara,
- 20a 1 tunggal sang mangilo lawan pangilanan katemu ring pamakeh niki tutur.
2 4. Wanten jati wara ginuhya nira sang purusha winuni tan sakeng lekas,
3 inte purwa nikang idhep wahu mijil ri-wkas ika ilang kayatnaken,
4 tan milwi-suka dukha lan idhep amukti ala ayu ya tan ane sira,
5 ndatan sah ring awak ta nitya mapageh wimala sira wibhuh nirantara.
6 5. Yeki etu ning sang Wiku ulangun amrih i kahanan ira-n kapangguha,
7 lungha doh mahas ing Ukir shinusupan matakhi-taki mayogga mabratta,
8 tan wruh yan sira sangka ning bratta samadi tinaki-taki nitya yan tumut,
9 ndya tonggwan ira sang pinet ri-wana durgga sira masiluman ring sang mamet.
- 10 6. Branta-ng rat mawuwus arep wruha ri-sang cinamaya maganal kapangguha,
20b 11 byakta murtya katona ri-sakala loka mijil-akna shakti rupaka,
12 adwayan winuwus nir-ashraya nir-rupa nir-awarana jati niskala,
13 anghing sang paramartta budi gunawan kretta samaya ta sang mangawruhi.
14 7. Tonton tang Rawi nitysha nuluhing rat prabha nira juga lumra ring jagat,
15 shaktinia-n mapadang maweh suka ring sarwa nara sahana ning macetana,
16 wyaktinia ndin lwiha sep dadi malit katuduhana kawengku yan tinon,
17 meweh pwa sang anon syapa wruh i rika yatika pahawasen ndi tang lewih.
18 8. Apan de sang anon telas kapenuhan sahana ala ayu ya tan kari,
19 mwanng muksa ring dhalem ri-wahya wekas ing bhwana yata kabeh katinghalan,
20 ndatan sah sira suddha tan karaktern mala kadi shathapatra ring banyu,
21a 1 lila niskala jati tatwa sira ring sakala sira manon ndatan tinon.
2 9. Nahan reh nira sang Muniwara upaya sap gati ra pasha bandana,
3 mari bayu mecet ilang tan inenob yana-lega nir upeksa ring ati,
4 maring sabda ya tan sakewala umneng ya was ika mulati saniskala,
5 mari ta umindap ndatan saking lupa rya was ika sira sang mangawruhi.
6 10. Mari ta matutur ndatan saka ri-pungging i-nguwus i-nganon-irashraya,
7 mari ta umulat ndatan saking wutania uwus anemu sandi ning licin,
8 mari sandi tan karaktern ri-uwus ira aminda niskala,
9 yeki byakta wishesa tan pabalikan pamakas ing angucap nir-ashraya.
- 10 1. Nahan ika sadya sang maha atmya,
11 tak irya-mbek sada kala mabyasha,
12 mon umulat umneng saka hyun,
13 pati patitis ing patya mahning.
- 21b 14 2. Kadi ta ya dipa aneng jro gatha,
15 sata lumeng sada kala munycar,
16 yata pada ning jnyana ya winangun,
17 winangun ikang wekas nikang sandi.

- 21b 18 3. Krodaya ya ta-ywa salah parania,
19 paramartta tatwa nitya ya gogwan,
20 niyata kacadya yashadnyanan ta,
21 taya sunia nir-ashraya ayu.
- 22 4. Gamana kunang malungguh angadeg,
23 maturu mamangana-ywaga sandi,
24 saha jana sa-bhuwana mawak yang,
25 yatika ginong satwa labda karyya.
- 26 5. Kadi ta ya Suryya menuhi rat,
27 bhwana pada ni juyana sang Yogi,
28 satata macetana ya hening,
29 mata juga tunggal anon Bhatara hyang.
- 30 6. Aywa Wiku ya tan ana kahaku,
31 ika iki ya tan ana winulat,
32 ulat ana ring wulatnia tan tinon,
33 wekas ikang wulat ikang patitisen.
- 34 7. Ana warah ginuhya sira sang,-
35 purusha ya durlabe-weh marusit,
36 ana ring awak ta nityasha tan sah,
22a 1 ndan ika tatan tumut ing sarwwa shastra.
- 2 8. Diwasha kulema ya tan ana-ngka,
3 Rawi Shashi ya tan ana prawesha,
4 pawana ya tan ano-ka tka ngka,
5 maka nguni na ratri tan sanania.
- 6 9. Yatika pineh ika ngagra guhya,
7 wekas ing wekas ati tan pahingan,
8 ingan i kalingania ya purnna,
9 yatika-was ning ngacintya sandi.
- 10 1. Manah ira sang Muni-shwara lewih su-dira mateguh sanitya ma-tpet,
11 tan upir-upir masasmpena tutur mmulat ring ati jagra nirmala maho,
12 pina titisen leyep nika panukema ri-pada Bhatara muksa ya pisan,
13 yatika ginuhya gupta matmen wekas ning ngangitung paminda winuwus.
- 14 2. Apa n ika tan wihang pada wishesa yan tlas agugwa nitya ring ati,
15 sahawanan ing pati pwa ya tpet ya madunungaken ring sang sinamaya,
22b 16 apan ika satya dira mapageh uwus pinaka shrana pwa mabner,
17 angenakning Shiwa-laya lepas ring angga mahilang mari mangel-angen.
- 18 3. Ana ta lekas ning sang Wiku tmen paminda tan adoh idhep ta regopen,
19 ri-mula nikang manah ta umijil regepha ta ya wangsulen ta umneng,
20 wekas ana ri-wulat wulati tan kena kangen-angen idhep ta pahilang,
21 prama wishesa nirbbhana suwung temun ta rikanang tri-loka sakala.
- 22 4. Kadi ta ya muksa ning banyu klan tatan patuduhan parania na numis
23 winulatan ing apwi pwa juga tan katon mwang ika riwwa-yoya tan ana,
24 yata pada ning manah telas aminda ri-pada Bhatara muksa ya pisan,
25 madoga wishesa ri-sakala niskala duk a-urip maminda ring ati.

- 22b 26 5. Ana ta upaya sang Wiku waneh maminda pamunah nikang dasa-mala,
27 putus ana tang idhep ta umneng ndatan sumalaho rikang tri-bhwana,
23a 1 pamati-mati idhep maring idhep suwung panemu sandi muksa ya pisan,
2 yatika upaya tan pabalikitan tkong pada wishesa mishra ya tnen.
3 6. Si pasama ring upaya yata durllabha rusit tkong sinamaya,
4 ana mula ning idhep dadi wikalpa tan tha ring sadya dadya maputek,
5 awas ana mala wredhhi sumaput ptong ri-adhin-indriya surung aken,
6 apan i-lekas ndatan kalekasenia tan wruh irikang wekas ning alekas.
7 7. Apan iki jati sang purusha labda citta ring panandi simpen apageh,
8 ta nika lekas tkong japa samadi mantra ri-sira puja-recana ya nir,
9 pangawak ira-n mawas mahu mideng udasina wishesa ring ati lengit,
10 yatika ginuhya pinpremaimi idhep satata nitya nirmala licin.
- 23b 11 1. Su-nirmala sadana wredhhi ring ati,
12 su-dharma punia kretta santa gugwana,
13 su-shila metri karuna upekama,
14 sudira-ng ambek sada bakti ri-guru.
15 2. Sava shariranta dale kayatnaken,
16 sarat samapta pa-ilang ya doh-aken,
17 sama-ita sadya tpet panuksama ya,
18 prabhu ning atma sada nitya niskala.
19 3. Idhep ikang leyahan pakukungan,
20 ibek ing sarwa bhwana tra ya penuh,
21 ilang aken wyakula nika ring ati,
22 ring atma lila ya regop pamatyana.
23 4. Ilang aken tatwa samapta ring ati,
24 ilang aken yogga samadi tatwika,
25 ilang aken citta tutur idhep kabeh,
26 ilang lengit ryangga ngacintya niskala.
27 5. Nahan krema ning maganal katinghalan,
28 ring bhumi mula winulat samapta ya,
29 malit saking bhumi jala mahning ta ya,
24a 1 shu-nirmala wighna malit sakeng jala.
2 6. Malit sakeng aghni smara sukama ya,
3 panuksama ning bhayu akasha sunia ya,
4 ika wekas ning bhwana ganai alit,
5 kayatnaken ya pamikalpa ring idhep.
6 7. Guna nika bhumi ya sukama ring ati,
7 rikala mahyuni mangungan cinarita,
8 wredhha ring ati tambeha sang su-jana,
9 labda tulusakna yukti ning rasha.
- 10 1. Apan tan saka ri-jitaksara lewih magawe ya kata metwa ring sabha,
11 de ning arsha kdech rumengwakni sang kawi nipuna makirtti ring sarat,
12 mwan bakti-ng ku pageh ri-pada nira sang guru warah ira wredhha ring ati,
13 mawana ning magawe pralambang angitung pawarah ira umetwa ring sabha.

- 24a 14 2. Tan tonon rasha nika Wikwa linewih apan iki tan ulih ring sang kawi,
 15 nging teki rasha yukti kewala pinet ring panemu nika sandi niskala,
 16 sida ning Wiku yan uwus wruh irikang panarawata nikang jagat raya,
 24b 17 suda jnyana wishesa ring sakala niskala sira ta wonang paka-shraya.
- 18 3. Shri-mat shri prama di Pandhita lewih sira pinaka wekas ning ngutama,
 19 shri-mat shri prama-lina ta mangaran ri-sira tuhu wishesa Pandhita,
 20 shri pada bhuja nitya kotama tmon sira ta guru wishesa tan waneh,
 21 shri wakyu mapageh pradipta ring idhep kwi-ki sakatha mananya sadara.
- 22 4. Sampun sida lepas tkong pada wishesa matlasana muktyaken suka,
 23 swashta ngwang sumilih ri-pada nira wredhha pagohakna yogga sadana,
 24 ngwang teki magawo kawikwa winangun ri-midheng maha pawitra ring tuban,
 25 swashti Shri Para-dharma-shunia maka sloha sang Maharddhika.
- 26 5. Shwashti Shri Shaka Warsha Ravi initung ring pasamuhani sari ning awak,
 27 shwashti Shri Dala Patra pangkaja sahasra tawun alana lawas sanggaman,
 28 cubuh tang shri naka trijata diwagana lewih yatika pinaka sari ning ndhala,
 29 lumbrah padma wi-kashaye-ka metu tang shruti pinaka tahun gnep ta ya.
- 30 6. Ring lek phalguna singha reshi shashi sapta-mi subhaga makreshna pakea ya,
 31 sang yogga wara manggala-Rika gamana nengah i gagana saksano-meng,
 32 yeka kala ning purnna ning carita dharma rinacana pininda ring karas,
 33 shwashti Shri-Subha-manggala sakala loka jaya-jaya su-bagya kirtti-man.